



Terenga 6: Hōtaka 33 - He pūmuri

He Mihi

Nau mai, e te hautoa o te reo ki tēnei hōtaka e tuitui nei i a tātou i raro i te maru kotahi. Ehara tēnei i te kaupapa mā Nopenope rāua ko Numinumi. Engari kē ia, mā Wahawaha rāua ko Nakawhiti.

Hei Mahi Whakarongo

Mā ngā mahi a Rēhia, a Tāne rore ō tātou pūkenga whakarongo e whakakoikoi i te rā nei, mā roto mai i tētehi kapa haka i whakaatuhia i runga i te hōtaka o Iwi Anthems. Anei ngā pātai hei whakautu mā koutou:

- 1) He aha ētehi o ngā tūtohu whenua?
- 2) Kei te waiata rātou ki a wai?
- 3) Ki hea waiatatia ai tēnei waiata?

Kia mātaki ake tātou i kapa nō roto o Ruatāhuna.

He Whakamārama

I rongō rānei koutou i ngā pū 'atu, mai, nei, nā, rā' i roto i te waiata a te whānau o Ruatāhuna? He pūmuri ēnei momo kupu, inā rā, ka noho ēnei kupu i muri i ētehi kupu matua, hei tohu i te ahunga, i te wāhi rānei o te kōrero, o te whakaaro, o te tirohanga rānei. Me āta whakaaro te kaikōrero ki te rere o ngā kōrero me te wāhi kei reira ngā mea e kōrerohia ana, e tika ai tana tiki atu i te pūmuri tika, hei whakamārama i ana whakaaro.

He Mahi Ī-papa



Homai ngā rerenga e 2-3 e whakaatu ana i te noho tika a te pūmuri.

Hei Mahi

Whakatikahia ngā hapa kei roto i ngā rerenga kōrero e whai ake nei:

1. I hoatu mai taku māmā ki ahau
2. M: Haramai! T: E haere mai ana!
3. Katia mai te kūaha koa.
4. Kei te whakaatu mai au ki a koe.
5. Kauga e kōrero mai pērā ki ahau.

Whakautu:

Mahi Īpapa: *Haria mai te mea nā. / Haere mai ki te kai. / Ka tae mai te ope ā te ata.*

Hei Mahi:

1. I homai taku māmā i tēnei ki ahau.
2. M: Haramai! T: E haere atu ana!
3. Katia atu te kūaha.
4. Kei te whakaatu atu au ki a koe.
5. Kauga e kōrero pēnā mai ki ahau.